

不借出書
中華民國二十一年



西村集卷三目錄

五言律八十五首

送莫同知弟北歸赴試

送吳鐵峯

竹房

送母舅朱漁隱

哭何以高

斗室

梅軒

樂清

吳溪草堂

和呂別駕九日登姑蘇臺韻

一鶴

泊虎山橋

憇奉慈菴

送范世良



菊莊

送王靜溪還合州

挽蕭以信

送康驛丞還廬陵

吳興道中有懷汝其通曹顒若

夜宿奉先寺洪上人房 題吳鐵峯家假山

飲烏步顧氏村居

喜張子靜見過兼柬沈彥祥

寄慈感寺一峯上人 孤山

送靈隱書記淨無瑕遊京師

與汝其通觀錢塘江 將遊金陵夜泊震澤

遊天申宮

遊報忠寺

經下菰城

溧陽道中

經瀨水

魯廷瞻葉廷縉徐憲之送至龍江而別夜坐有懷

華容十詠

荻溪道中

遊三茅觀

夜投殊勝寺真上人房

元日

立春日

謁張子靜墓

碧巖

瀑布泉

鴨綠漾

大雷小雷

與沈啟南從徐亞卿何中丞相度水道四首

和石田自壽詩韻

登吳山絕頂

哭林侍御五首

題旌功廟三首

過橫塘

久客無礙方丈贈覺源講師

中秋聞諸弟宴集湖上有懷

蕉窻

冬夜逢臨川聶雲章話舊

登多景樓

遊甘露寺

與沈繼南登虎邱天開圖畫閣奉柬其兄啟南

送趙孟昂歸吳興

登江淮勝槩樓

瓜步阻雨

至通州二首

天目山

和徐天泉劉完菴同過沈石田友竹居韻

過沈繼南墓

謁徐武功墓

七言律一百二十首

分題得太湖送鄔用明還鄞

贈金本清中翰

寄震澤道士沈長春

翫月和教諭陳啟東韻

吳廷暉令子領舉予往賀以詩見贈次韻答之

和吳益之留題接待寺之作

送吳澤民歸梅堰

留別胡有本

西園八詠

和秦太守廷韶遊虎邱韻

登吳興慈感寺閣

曹顥若載酒過訪以詩贈別

與姚視卿遊鴛鴦湖

夜宿滄澤寺寧慶山房

春陰

訪吳廷暉偶成

遊勝果寺赴沈文伯之招

遊南峯寺

送智天然住嘉興東塔

金陵送沈啟南

吳元玉招賞牡丹

遊靈谷寺

登獅子山遊盧龍觀

登甘露寺多景樓

沙溪夜泊東沈啟南

沈啟南訪汝其通不遇寫畫賦詩寄之率爾次韻

夢草哀海鹽王輅

吳武功伯徐公

聚遠樓

于府尹景瞻張太守靖之劉邦彥沈明德寶峯宴

集

謝沈彥祥茶魚之貺二首

問劉邦彥疾

遊黃山隴

留別吳興諸君子

戊子歲秋夜泊松陵與沈啟南慶雲僧飲別
送吳禹疇之廣東憲副任

送鄒師孔遊維揚
喜舍弟鐸病起得子

送汪世望還吳興
送韓縻丞河內

鶴舟

次進士馬中錫吳淑遊京師西山韻八首

送曲主簿運糧之京
挽黃夢熊

送張世鴻還杭州
送計正言

和沈啟南登鳳凰臺韻
送徐憲之選貢入京

次沈履德集古詩韻
贈張太守靖之

遊天界寺

春夜全汝其通曹顯若吳永年宴魯廷貴別館

哭沈繼南
哭完菴劉僉憲

送俞大尹欽取御史之京二首

許克大分教桐城道過余家留詩見東賦以謝之

秦淮夜泊
與金仲和飲別

西郭

聞汝行敏之京不及往餞賦此以送

寄劉有隆
送凌漢章赴秦王之招

題扇寄閻尚溫
登長安龍祠道院閣

凌天羽要遊臨平湖之讀書堆呈在席諸君子

又和徐肅夫原韻
送稽揮使還長安二首

送楊宗周歸維揚
都立敬見訪夜話

步出闔門書事
哭崔淵甫

贈頤浩寺辨如海上人

從徐侍郎相度水道過吳興寄沈彥祥吳汝琇

還家有作
遊報恩寺

送諸立夫還杭

送表兄凌太常省親還京

寄陝西千布政

送沈上舍省墓復還靖州

送中竺禪師還杭州
送傅上人住杭州保叔

弔內閣陳某

之通州與吳永年飲別於垂虹亭

晚次吳門
泊楓橋

錫山道中聞子規
至京口

遊鶴林寺
渡江

郭璞墓
廣陵懷古八首

狼山
劍山

軍山
龜田

海山

餘四

餘山

黃劉謝古八首

劉五

至京口

折腰餘

之風

西村集卷第三

五言律

松陵史鑑明古

送莫同知弟北歸赴試

省墓纔南下。辭家又北征。淮山臨驛路。易水遶都城。夜雨鴿原夢。春風雁塔名。遙知曲江畔。騎馬看花行。

送吳鐵峯

春色濃如酒。行行勸一杯。送君嗟此別。執手問重來。野鳥迎人語。林花著雨開。維舟未忍發。日暮更徘徊。

竹房

西木集卷三
愛此竹房好偏宜方外情前村江動月清梵晝銷聲講
後雨花亂風來天籟鳴與師分半榻高臥盡餘生

送母舅朱漁隱

十年纔一見離合動悲傷授璧投河水驅車送渭陽青
山明夕照黃菊欵秋光莫惜頻來過慈親鬢已霜

哭何以高

少日才名重平生分誼親酒多應是病金盡未爲貧往
事成春夢殘花逐市塵天涯空悵望零落轉傷神

斗室爲澄道巖賦

斗室開幽處雲門俯水涯四方裁十笏一座演三車簷

短容明月窓低映禰花休言此中小世界亦恒沙

梅軒爲李天瑞賦

愛此梅花好移來對草堂水邊微見影雪裏只聞香庾
嶺春如海西湖月似霜從教日吹笛無夢到含章

樂清

未老成歸計房開祇樹林青山塵外相明月定中心近
水行秋影焚香坐夜深世人尋不見惟聽海潮音

吳溪草堂

繼志能歸璧貽謀在肯堂重來山不改舊種樹加長燕
雀曉相賀芝蘭春更芳還聞放鷄犬猶自認門墻

和呂別駕九日登姑蘇臺韻

偶遇登高節。相爲弔古遊。砧聲吳苑暮。雁影太湖秋。得句頻催和。行杯更旅酬。風流堪入畫。妙手學營邱。

一鶴爲南京唐道士賦

愛爾仙家驥。蒼松映縞衣。一聲清夜唳。片影上天飛。赤壁橫江過。青城被箭歸。飄然遊物外。幾見世人非。

泊虎山橋

曹太史名亭曰擅勝

雨後水初漫。日斜山更明。地居吳下勝。人似越中行。掃石看題字。臨流試濯纓。橋南一亭好。新得翰林名。

憇奉慈菴

松頭孤鶴下。石罅亂泉鳴。入隴疑無路。逢山屢問名。客行忘遠近。僧老廢將迎。一笑出門去。五湖風浪生。

送范世良

弱柳不堪折。相携話水邊。離杯傳日暮。歸路在春先。凍雪寒欺馬。空江曉渡船。永懷交際久。况是昔人賢。

菊莊

種菊久成莊。門前水亦香。花時常把酒。日暮擬爲糧。正色純無雜。遐齡老未央。何當事筐筥。來此采餘芳。

送王靜浚還合州

風波纔定日。舟楫又歸程。月冷巴猿嘯。人悲蜀道行。陣

圖依舊壘山勢接孤城最是臨岐別秋高斷雁鳴

挽蕭以信

人道從軍樂誰知悞一生元戎歸旅櫬邊將失干城草
檄今無敵封侯竟不成空遺舊提劍淪落海西營

送康驛丞還廬陵

有金魚白鷺二洲

握手獨相送君行我自歸風波千里遠烟樹一村微地
勝金魚近江清白鷺飛鴿原應在念回首思依依

吳興道中有懷汝其通曹顥若

杳杳長途異悠悠逝水流江村孤宿夜風雪遠行舟寒
重偏欺客凌浮迥結愁故人應在念日暮尚登樓

夜宿奉先寺洪上人房

孤舟薄暮宿古寺奉先名地迥諸天近樓高片月明爐
香清作供漏水凍消聲愛此無生說流連過二更

題吳鐵峯家假山

仲子爲山處容人得屢過峯巒平地起水木到門多欲
雨生雲霧經春長薜蘿流鶯如愜意百轉襍笙歌

飲烏步顧氏村居

去郭逾千步淳風自一鄉日斜魚市集歲久水祠荒草
色遙連浦花枝半出墻西南山更好欲渡苦無梁

喜張子靜見過詩以送之兼柬沈彥祥

擾擾百年內相逢能幾回折麻空有意抱病強登臺
水太湖接故人今雨來因風問東老何日共溪杯

寄慈感寺一峯上人

其師圓如
規號蘭公

能詩蘭谷老化去已多年雪上一峯秀燈前三昧傳蓮
花滴漏水月色照歸船記得長松下曾參玉版禪

孤山

一上孤山望春波帶夕曛西來千嶂合南下兩湖分路
遠前朝寺雲埋處士墳畫船歸去晚歌吹月中聞

送靈隱書記淨無瑕遊京師

披衣新得戒杖錫又登程世路隨緣去空門為法行浮

雲上國遠片月故山明心地平如水風波自不驚

與汝其通觀錢塘江

渺渺春江迥無風亦有聲地平波動石海接氣浮城虜
馬屯砂磧潮頭也世情臨流將喚渡南向越中行

將遊金陵夜泊震澤

朝飲平湖酒宵停震澤航從茲登遠道猶未出吾疆月
隱星光爛花穠露氣香路人初不識笑問客何方

遊天申宮

張公
洞旁

問訊天申路期尋福地遊風林松子落石竇乳泉流溪
女行隨伴山花插滿頭道人能好客炬火不須求

遊報忠寺

善權洞旁

選佛開名利因山號善權地深青嶂合天近白雲連門
對長松樹池分小洞泉不知楹上篆雷震是何年

經下菰城

春申君所築

靡懷函谷敗却事下菰營蕞爾非天險當時盛甲兵空
城烏鳥樂廢堞野雲平不獨吳宮裏離離蔓草生

溧陽道中

水盡行舟止途平抗策宜車聲來往道天氣雨晴時赤
阪黃塵起青山碧草滋居人當路語留客飯松茨

經瀕水

卽伍子胥乞食之所

匍匐昭關下倉皇瀕水潄飯賢同漂母報德異淮陰一
死名無忝千金漫爾沉停車弔遺跡長嘆不成吟

魯廷瞻葉廷縉徐憲之送至龍江而別夜坐有

懷

晚泊龍江上君歸我未行乘流喜風順看月待潮生水
市浮舟賣漁燈入夜明鄉心與離思擾擾夢難成

華容十咏爲毛同府賦

渺渺江南夢英英雲上生緒風吹不散懸火照還明涼
沁臯蘭被晴連湖水平時飛傍親舍遊子若爲情
全楚疲興築諸侯賀落成侈心滋未足大屈好非誠往

事不可問野花空復情秋禽委毛羽猶似斷王旌古章臺跡

利涉在崇朝沱溪一水遙誰能須我友多是就人招乘

月影零亂傍舩波動搖晨鷄猶喔喔客路正迢迢沱溪曉渡

山峯儘奇絕雪景更精神玉筍抽當震瑤簪出奠寅高

低同一色草木借三春欲訪仙廬跡漫漫認未真東山雪霽

湖水流無際山形蕩欲漂雲生齊北斗脉衍自南條朱

鳳高飛盡蒼梧別望遙禹功垂萬古祠宇亦蕭蕭山有禹廟

南山遠翠

橫木為梁處舟車日夜過彩虹垂飲渚靈鵲下填河雪

水西從蜀湖流北受沱吞崖溷牛馬鳴瀨失蛟鼉板橋春漲

斜日章臺下杏花猶自紅古今皆過客開落盡春風楚

芊腰支細息嬌言笑通那能久容冶相映酒帘中杏村夕照

水月原同氣高卑特異形運行常不息流動亦無停象

緯昭天闕容光小洞庭浮槎失南北隱隱數峯青青湖夜月

亭廢獨遺基靈蹤托雨師湖山元自勝風月故相宜龍

駕雲中度鸞笙嶺上吹世人空想像齋酒日來嬉赤亭遺址

驛路長松樹風來作萬喙龍吟翻翠蓋鳳舞奏琅璈列

陳初嚴鼓連營乍豎旄猶疑宋飛將水上戰方鏖驛路松風

荻溪道中

搖搖理舟楫杳杳事徂征溪姓猶緣荻村名半帶城凍

雲含雪意老樹挾風聲霜月欺寒雁嘹嘹中夜鳴

遊三茅觀

山勢西來盡江流北望遙神仙長在世日夜再聞潮藥
采新生木籬編舊種椒不須句曲遠聊此永今朝

夜投殊勝寺真上人房

春風苦無賴野寺暫相依靜夜名香遍空堂漏水微語
投機自息坐久世疑非愛爾東林月流光照客衣

元日 弘治六年

流年今六十壯志日蹉跎得此已爲幸更來能幾何青
山遊未徧白髮在無多去去不須道逢春且嘯歌

立春日

北向梅開未東行月建寅有生皆自樂無處不宜春似
我容顏老逢茲氣象新百年今大半猶是未閒人

謁張子靜墓

弭棹鴻村道來尋處土墳淚痕沾宿草悲思接愁雲繫
樹嗟無劍名家幸有文東風吹野水流響不堪聞

碧巖 在弁山之陰

問路捫蘿上遙尋鐘磬聲雲流看棟濕樹挺識人行澗
水晴懸瀑松風巧韻箏山蒼與湖綠點染自天成

瀑布泉 在碧巖之右

西村集卷三
愛此巖頭瀑分明白練垂被風吹不斷得雨灑尤奇流
出有來處散開無盡期廬山亮同此只欠謫仙詩

鴨綠漾

近接太湖水倒涵蒼弁峯地無高麗險色比漢江醜蕩
漾數十頃嵐霏三四重碧巖長在望日暮忽聞鐘

大雷小雷

雙螺浸湖水萬古鎮龍宮小大名形異東西奠位同嘗
聞出光怪於此驗凶豐欲往嘆無翼憑誰學御風

與沈啟南從徐亞卿何中丞相度水道

濟世未爲術逢人聊用情海桑惟日變水土幾時平遠

雁和雲杳寒潮趁月生茫茫不相識沿路問鄉名渡吳淞江

暫出靡行役鄰封非異鄉偶因停泊處始定往來方海

迴月浮水夜寒天雨霜終宵成輾轉歸夢與途長宿徐公浦

岸崩橋易圯水濶渡難招浦溆遙通海舟航半趁潮市

聲先旦集野樹未霜凋明月如相識依依伴寂寥經上海縣

不到雲間久於今四十春山川仍舊物交友半陳人梵

井鱣光泯華亭鶴唳新扁舟有歸興斜日下通津至松江府

和石田自壽詩韻

流年今四紀強半在城中畫好能名世文成擬送窮趨
庭懽令子勿藥喜而翁昨夜燈前飲清吟對阿同

登吳山絕頂

古廟經年久荒臺落葉浚江湖分向背城市遶山林盡
道迎秋榜誰同坐夕陰樵歌歸滿路驚散暮栖禽

哭林侍御五首

并序

侍御莆田人也成化間皇儲未定用事之臣有謀
爲殷道親親之說以市權者人以事爲未著而不
敢言公獨謂著則事成不可止矣乃先劾時宰以
折之雖以忤旨受杖然其事竟議格不行矣宰啣
之公謝病免宰去再起巡按浙之東西不以形迹
自拘好賢下士詢訪不倦且不避權要吏民愛之

亡何移疾代者未至乃上詔勅納印符絕乘傳而
歸歸三年卒哀哉初公之歸也某別於平望公屢
誦李商隱他生未卜此生休之句悽然泣下者久
之嗚呼公歿矣仰公高風偉公奇節感公知遇詩
以哭之

遠聞林侍御一夢掩泉宮隴樹猶森栢山靈已避驄禍
消未萌際勇退急流中無限憂時淚因君泣未窮
雲掩前星位人心去就間惟公上封事浚斥柄臣奸瀾
上空留說梁王竟出關大功安社稷瞻望孰能班
解綬歸田日相呼在驛樓共嗟臨水別真作此生休忽

得莆中問今爲地下遊空揮兩行淚寄與海波流
酸風射眸子南望淚盈襟曾枉下車揖敢同行路心隻
鷄千里弔匹馬萬山深此意未能遂淒涼轉不禁
繩愆共所職下士出常情茶譜羞充貢醫方欲衛生人
問不久住世外若爲行想溘埃風起乘雲掩上征

題旌功廟

并引

少保于公廟在西湖墓上成化二年復公官爵遣
人諭祭巡按劉魁立祠於故第曰憐忠今上賜謚
賜廟額曰旌功有司歲祀

戎馬環行幄胡兒走控弦萬方三日臨九鼎一絲懸不

有維藩議將爲舉國遷救時平禍亂功業冠羣賢
李綱纔仗鉞謝傳尚圍碁可汗滔天惡都城累卵危維
公際艱步異世若同時指授諸戎帥從容盡合宜
二聖弘興繼綸音賁貺同易名維一惠賜廟錄元功精
爽風雲接恩光雨露濃公神如不死感荷九原中

過橫塘

西向橫塘過風涼天又晴兩山沿路轉一舸問津行野
水飛雲度斜陽去鳥明采蓮人不見遙聽唱歌聲

久客無礙方丈贈覺源講師

碧殿明秋水香臺下夕陰堂空蓮漏迥徑轉竹房深習

靜疑忘世含虛已定心何時謝塵鞅來此事幽尋

中秋聞諸弟宴集湖上有懷

樂事愁邊減流年客裏過桂香秋色好天迴月明多欲
共嫦娥語其如良夜何遙知湖上飲遠曙尚酣歌

蕉窗

愛此禪房好芭蕉綠滿庭雪中疑入畫定起自翻經曉
色和雲動秋聲襍雨聽心源有甘露一滴可通靈

冬夜逢臨川聶雲章話舊

頻年違晤語此日賁林垆鬢髮綠愁白家山入夢青功
名成潦倒書劍尚飄零明發松陵道離歌惜共聽

登多景樓

客裏一登臨長歌愜壯心江山自今古人物幾消沉潮
落淮南近天垂海外浚改之詩尚在讀罷欲沾襟

遊甘露寺

清晨遊古寺雲氣晝昏昏列嶂環京口長江赴海門平
臨當北斗特立見中原無限興亡事傷心不忍論

與沈繼南登虎邱天開圖畫閣奉柬其兄啟南
投閒倚高閣林莽半斜曛山勢東南盡河流遠近分鳴
泉亂秋雨落葉下寒雲欲賦不能道空慚對卯君

送趙孟昂歸吳興

不到雪中久登高空自嗟好山多近郭有客喜還家一
帶白鷗水幾枝寒食花故人如見問愁鬢已霜華

登江淮勝槩樓

遠水際長天逢春更可憐鐘鳴裹山寺人喚渡江船漁
鴨夕陽裏酒家疎雨邊因悲客程事俯仰欲潸然

瓜步阻雨

客裏遠經遊那堪有滯留雲山幾千里風雨一孤舟樹
影連江動潮聲撼地浮故園歸未得南望使人愁

至通州

孤城控一區形勢扼東隅海水分鹹淡民風襍楚吳蜃

樓凝復散沙島漲還無問道尋魚客中宵望斗樞

其二

絕域經遊少重關啟閉嚴官租兼菽粟民業盡魚鹽海
氣朝成市潮聲夜入簾狼山渺何許空翠遠浮尖

天目山

峒巖古道前一上思茫然廢井存遺跡殘碑記往年巖
陰交草色林薄起炊烟南望鄉關遠浮雲何處邊

和徐天泉劉完菴同過沈石田友竹居韻

去湖三里近種竹萬竿餘徑轉通幽處朋來問索居散
金時買畫補屋爲藏書千古王摩詰輞川應不如

過沈繼南墓

寂寞空山下，淒涼野水濱。
易名嗟有日，掛劍愧無人。
月冥猿啼夜，天寒草未春。
素車來較晚，灑淚忽盈巾。

謁徐武功墓

絮酒來何莫，淒涼百感生。
文名推獨步，相業沮垂成。
才大人多忌，功高謗易行。
只應墳下水，流恨去難平。

七言律

分題得太湖送鄔用明還鄞

一水遙遙與海通，舟行疑似入虛空。
三江共接朝宗勢，萬古長懷底定功。
茂苑人烟帆影外，洞庭山色浪花中。

登瀛有客頻來往，欲駕雲濤趁便風。

贈金本清中翰

少將詞賦繼班揚，館閣周爰歲月長。
朝罷獨書天上詔，使歸那有橐中裝。
齊棺古隸先秦出，岐鼓遺文後世光。
乞得鑑湖三十里，四明原是賀公鄉。

寄震澤道士沈長春

春風歸騎柳邊停，一上仙臺思杳冥。
茗水遠從天目下，弁山長遶太湖青。
片雲孤鶴吹笙度，千樹啼鶯把酒聽。
最愛籠鵝能好客，無人援筆寫黃庭。

翫月和教諭陳啟東韻

西林集卷三
閩嶺穹窿路幾層孤舟載雪與難乘中秋月好應同見
近海樓高不共登千里信音回旅雁半生心事對寒燈
悲歌莫倚能彈鋏衣馬輕肥讓五陵

吳廷暉令子領舉予往賀以詩見贈次韻答之
渺渺韭溪居上流相思無奈駐行舟天香和月浮丹桂
秋水到門來白鷗教子今爲探花使憂君欲起見京樓
留連故有新詩贈高誼難將雜珮疇

和吳益之留題接待寺之作

旅寓松陵厭市聲偶從蘭若暢幽情水邊行道來僧影
壁上籠紗護客名荷葉補衣秋色淨竹房清暑夜燈明

廟堂雖與江湖接未許投閒老此生

送吳澤民歸梅堰

澤民家有芝秀堂

賓館窮經獨下帷吾家同叔每相資青山折簡招歸隱
白首逢人在別離此日梅花應待雪新年芝草又生池
溪邊無數垂楊柳欲縮行舟住少時

留別胡有本

秦溪分手各天涯燈市相逢喜又嗟遠地故交能幾會
滿城春雪向誰家川原近海潮多應光景催人日易斜
明發歸舟渺烟水思君雙鬢欲成華

西園八詠

爲三原巡撫王公賦

牙籤縹帶滿堂垂未許沂公獨擅奇請俸寫來還自校
借人看去豈為痴晴窗露展虞生蠹淨几潛披矢下帷
培養真成濟時具又將餘力教家兒藏書屋

試攜宮硯洗泐瀾漬墨淋漓最可觀龍尾蘸波玄玉淨
馬肝浮水紫雲寒風飄科斗文難定月射方諸濕未乾
頭白上卿臨帖罷又書封事獻金鑾洗硯池

長松戶外鬱蒼蒼卷幔蛟龍勢欲翔韓起曾經譽嘉樹
名公今又憇甘棠風生隱几聊聞籟雨後呼童試采肪
君子由來善居室吾鄉亦有歲寒堂范文正公舊宅有歲寒堂堂下種松

松軒蒼

內家叢裏許分移富貴應為造化私承露玉杯和月冷

惜春羅幄護風吹紫臺姓魏猶循故紅萼名鞋似較奇

一自旬宣江漢後花開多不在家時秦府賜紅紫白三色樓子牡丹圃

隴頭雲氣如車蓋變化油然去復留起處四方沾潤澤

乘時六合可浮遊風吹度影迷親舍日映成文捧御樓

楚水秦山千萬里停車北望思悠悠隴頭雲

亭亭如蓋挺孤標先世遺來匪一朝色借綠袍榮及第

枝嬌黃鳥愜遷喬長承雨露當霄漢迥出風烟帶驛橋

不似灞陵原上樹管人離別半無條門前柳

渭水園林尺五天繡衣筆勢更翩翩能文况是同年好

叙事還期後世傳坐見華風生草木端知采色畫山川
長安紙價應增貴到處令人快覩先

繡衣記

當朝太史漢中郎曾誌先公百世藏指事特書彰直筆
為銘傳後發幽光從教兩日長淋炙莫遣風雷下取將
試檢平生信無媿穹碑不獨妙文章

太史銘

和秦太守廷韶遊虎邱韻

虎邱寺裏相逢處柳鞦花嬌路不分澤畔紉蘭為雜珮
壁間剡薛讀遺文清吟美得江山助老懶思將筆硯焚
晚漱餘酣泉上立萬家烟火隔松雲

登吳興慈感寺閣

亭亭高閣倚斜暉廿載曾從此地歸往事已隨春草換
重來似覺故人稀孤城近水青山映遠樹和雲去鳥微
欲繫扁舟嗟未得薜蘿新綠釣魚磯

曹顥若載酒過訪以詩贈別

一樽相對思依依老大空悲始願違華髮鏡中看漸短
故人天際信全稀黃梅雨少河流澁綠樹陰多日影微
欲把漁竿江海上却愁風浪濕荷衣

與姚視卿遊鴛鴦湖

鴛鴦湖上蕩舟過鐘鼓聲稀擁楫歌落日亭亭經遠樹
涼風嫋嫋動微波孤村近水聞鷄犬小駟穿花見綺羅

暝入芙蓉美秋色。滿身香霧月明多。

夜宿嘉興漏澤寺寧慶山房

訪舊天涯未即歸。且來林下叩禪扉。孤城暮雨沉更漏。二月餘寒勝客衣。近市不眠人語雜。隣僧齊出夜燈稀。中宵忽作還家夢。無奈鐘聲下翠微。

春陰

浮雲蔽日不舒光。那更東風故作狂。宿雨未收添積水。餘陰猶在闕諸陽。山林有約空勞望。桃李無言也自傷。園柳鳴禽俱寂寞。只生春草滿池塘。

訪吳廷暉偶成

訪君還作看花行。宛宛溪流兩岸平。久雨閉門芳草徧。亂禽栖樹暮烟生。更籌夜送人皆醉。童子春深服已成。明日新晴天氣好。相攜臨水濯塵纓。

遊勝果寺赴沈文伯之招

天地茫茫幾廢興。中峯依舊有巖亭。江流到海逢潮轉。山勢如城遶寺青。仙洞隔花春寂寂。野雲將雨樹冥冥。幽禽似惜韶光暮。頻喚提壺笑客醒。

遊南峯寺

支遁道場有放鶴亭馬跡石

擾擾浮生鬢已星。南峯此日始來經。真僧化後今無馬。野鶴飛歸尚有亭。清梵消聲蓮漏永。夕陽鳴磬石門扃。

登車欲去猶延佇滿樹啼鶯正好聽

送智天然住嘉興東塔

山中晚學修禪定又出升堂了世因漢守故居今入寺
寺故朱吳僧新住舊為隣智先住白蓮池分二水心同
淨寺有青塔近諸天供獻頻我亦鷺鷥湖上客
嘉興人欲來松下問前身

沈啟南與余約遊金陵而先余至又先余歸嘗

聞余談義興山水之勝故舍大江與丹陽而
不事竟取道於茲將審余之說也因詩以送
之

草綠鶯啼淮水流柳花如雪暗行舟來期自信成先後
為客那堪有去留此地片時還獨住他山佳處已曾遊
東歸若遇鄉人問春盡乘潮下石頭

吳元玉招賞牡丹以無都扶圖呼為韻

洛陽花事久應無勝賞今逢在舊都春色祇緣人自惜
衰顏還藉酒相扶時無永叔誰重譜座有徐熙合寫圖
夜靜更持紅燭看滿庭如畫鳥驚呼

遊靈谷寺

緩轡吟行紫禁中禩花千樹映禪宮山藏靈谷聲疑應
水出皇陵勢自東池上泛杯脩故事松間掃石坐清風

老僧延客無他語只數前朝有誌公

登獅子山遊盧龍觀

高皇帝駐蹕指揮
六軍敗陳友諒

玉輦宸遊事已遙尚遺臺觀在山椒
長江自古為天塹王氣於今屬聖朝
四海又安兵久息千年豪傑恨應消
徘徊忽動西遊興欲借東風駕晚潮

登甘露寺多景樓

滿目山川又獨來白頭懷抱易興哀
郡城宜此開江嶂佛殿何緣化劫灰
萬里中原勞悵望千年鳴鶴自飛回
東浮西泛無窮艦總被潮聲日夜催

沙溪夜泊柬沈啟南

有約東遊久未齊孤舟終日住回溪
行厨火斷從人乞中夜潮生覺岸低
風急海雲迷去雁雨浚沙市悞鳴鷄
明朝應得隨君後遮莫春泥污馬蹄

沈啟南訪汝其通不遇寫畫賦詩寄之率爾次

韻

虛室塵埃滿榻生故人來往惜空行
剡溪莫謂終無對震澤從今重得名
山寺水村和夢遠渚花汀葉趁江清
題詩寫畫遙相贈未必王郎有此情

夢草哀海鹽王輅

一枕遊仙夢復醒無端芳草最關情
生時不惜春風力

西林集卷三
見處偏驚夜雨聲原野綠齊疑蝶化華胥調引亂蛙鳴
西堂睡起成陳迹佳句長留萬古名

哭武功伯徐公

星實中庭夜已分始知天欲喪斯文導河猶有隨山迹
鑄鼎誰銘取日勲四海故人空許劍萬家歸馬舊從軍
東吳不是西州路也學羊曇哭暮雲

聚遠樓

新起高樓九溪上無邊風景在虛櫺太湖一水際天綠
洞庭兩山終日青帆帶夕陽來冉冉雁拖秋影入冥冥
何人卷幔吹簫坐明月滿空涼露零

于府尹景瞻張太守靖之劉邦彥沈明德寶峯

宴集

瀕湖樓閣少風塵勝日登臨屬縉紳北道且依山作主
南飛又見雁來賓霜微嶺樹紅猶淺水落江蘼綠未勻
老我已忘歌舞樂只將談笑欵杯巡

謝沈彥祥茶魚之貺二首

新采雷鳴寄草堂未開先作滿林香囊裁白絹封三印
芽茁黃金露一槍鬪處連場誇得雋烹時比屋散分嘗
睡魔渴病俱消却欲報慚無織女章

釣得魴魚碧浪中遠煩分惠到吳東漢江縮項本同調

西樵集卷三
松水細鱗斯下風。鱗鬣亂欺林。筍綠腹腴微帶法。糟紅
珍藏不敢成私享。留待先祠薦麥同。

問劉邦彥疾

遙聞未疾漸加瘳。時向湖山續舊遊。杯酒尚須行樂用。
花枝多爲養生休。春風楊柳迷歸騎。秋水芙蓉隱釣舟。
何日從君柁樓底。臥聽橫笛起中流。

遊黃山隴

湖州長興縣
呂山山中

行行東去欲何依。爲愛禪房入翠微。山在不知陵谷變。
鶴歸應見世人非。烟中草樹含春色。嶺外雲霞斂夕霏。
自笑遠人眉目異。野禽驚起遡風飛。

留別吳興諸君子

楊柳風和溪水平。掉頭歸去趁春耕。青山滿眼渾相識。
白鳥隨人似送行。遠地幾時重握手。孤城今夜獨聞更。
離心好是秋霜劍。無數塵埃拂又生。

戊子歲秋夜泊松陵與沈啟南慶雲僧飲別

城陰分手卽天涯。嶺樹江雲別路賒。未到故園猶是客。
忽聞鄉語似還家。燈前今夜愁無寐。鏡裏明朝鬢有華。
欲問歸舟何處宿。月明和雁在蘆花。

送吳禹疇之廣東憲副任

持節遙遙五嶺行。瘴烟蠻雨避前旌。已知吏戢無漁獵。

莫倚時平弛甲兵。詩句擬從官長學。船舶多候海風生。
隱之自是君家事。不爲貪泉易此情。

送鄒師孔遊維揚

憐君失意向天涯。雨歇虹亭日已斜。對酒不須嗟往事。
渡江知是客誰家。孤城猶繫揚州郡。四海空傳后主花。
莫過雷塘弔陳迹。只今殘柳尚啼鴉。

喜舍弟鐸病起得子

臥病經旬爲爾憂。今朝最喜是全瘳。子雖生晚終延後。
菊縱開遲尚係秋。杯酒諒隨詩共廢。田禾無奈雨來收。
故交賴有宗人在。宗人指時肯也。相過盡日留。

送汪世望還吳興

頻年踪跡遍天涯。書劍蕭條興味賒。楓冷吳江人執手。
月明茗水客還家。霜前黃菊驚寒早。湖上青山易日斜。
落魄布衣今白首。也將詩酒度年華。

送韓縈丞河內

領得除書下九重。翩翩花縣去哦松。吏人呈案無鉗紙。
星駕行春屢勸農。河內水流城外過。太行山色雨餘濃。
寇恂去後今陳迹。千古遺民說再逢。

鶴舟

爲陳良佐賦

幽人養鶴愛風標。行動常令載近橈。丹頂映波春泛雨。

西林集卷三
三
縞衣籠月夜乘潮幾聲篷底清宜聽片雪船頭白未消
我欲從君渡江水扣舷歌罷又吹簫

次進士馬中錫吳淑遊京師西山韻八首

同年期集鳳城西盡日吟遊信馬蹄河水合流滄海接

山徑回繞白雲齊

連山中斷曰陁太行山第八陁在幽州

離離遠樹行人

杳渺渺平沙去鳥低共幸成名今刻石不須重向塔前
題

繡憶朱輪駕曉風青山行盡見離宮水通河漢浮天碧
雲護蓬萊映日紅千里關城臨絕塞萬家園圃灌連筒
登高作賦忘歸去薄暮纔云馬首東

訪水尋山幾日程清明時節喜新晴太行天限華夷域
靈物人呼大小青花雨露香迷蝶夢松風鳴籟和泉聲
九重垂拱巡遊少已廢前朝避暑亭

西山遙望日氤氳矯矯東馳萬馬羣固國已知天設險
爲霖還賴石生雲根蟠鉅野河流繞勢接諸陵王氣殷
聞道朋遊多樂事春風吹酒不成醺

渺渺西湖映綠袍相攜臨水試連鰲已教頽上居風下
未許杭州索價高波接玉河通御氣雲流銀浦見秋毫
芙蓉萬頃皆蒙澤不信東風在杏桃

瓊林宴罷出瑤京勝水佳山處處行鄉使南歸金帖寄

日華東上慶雲橫人間富貴春三月天上中和樂九成
自笑無媒林下客白頭猶未濟文明

北望居庸萬仞關重重深鎖白雲間金湯塞險都城壯
亭障乘邊苑馬閑田畷勸農春芟野虞人校獵曉豳山
郊行祇擬觀形勝不為韶華久未還

天風吹送上雲梯羅襪生塵草被隄黃榜題名雙闕下
青山迎馬九門西花明禁苑春初媚柳拂宮袍綠未齊
幾度醉歸更漏永銀河斜轉玉繩低

送曲主簿運糧之京

曲登州人將便道還鄉其人好獵

贊公新董歲漕行舸艦乘風五兩輕瓜步寒潮中夜落

潞河春水及時生禁門聽漏朝天闕歸路還鄉入海城
此地從來好畋獵臂鷹驅馬少年情

挽黃夢熊

湖山嘉遯謝塵纓纔入中年命忽傾舊宅一區猶令子
遺文千首付諸生詩名到處人爭誦墓土逢春草又萌
後死從來未相識聞風也自不勝情

送張世鴻還杭州

酒盡歌停夜靜時醉看明月上花枝神交已恨相逢晚
老至方知送別悲野店聞鷄舟發早海天零雨雁來遲
吳山翠滴西湖水水遠山長不盡思

送計正言

元夜燒燈送酒頻共憐明發有行人情知白首偏傷別
莫信青袍已誤身歸棹遡流溪路狹東風和雨柳條新
從今一去相逢少夢裏尋君恐未真

和沈啟南登鳳凰臺韻 并引

嗟予以後至金陵不獲從啟南先生登斯臺也但
能於詩畫之間想慕勝遊戀戀而已因賦以續貂
春草萋萋被路生荒臺空有鳳凰名三山二水固長在
四海一家將再鳴津樹故迷桃葉渡江流今避石頭城
謫仙賦後君斯和落日浮雲無限情

送徐憲之選貢入京

朔風吹雪水流澌歲晏逢人別更悲吳會民饑猶病稅
洛陽年少正憂時徂征漸覺川途異草對應忘刻漏遲
自笑臨岐空執手贈君無地覓松枝

次沈履德集古詩韻

休文孫子錢塘住日日笙歌湖上聞花映酒盃邀夜月
山行衣袂濕春雲逢人傾蓋能如故集古詩成自不羣
知我無聊遠相慰一篇直欲掃千軍

贈張太守靖之

龍去孤臣泣抱弓平生心事有誰同青春甚惜居閑地

西林集卷三
白首相逢在客中雲氣冥冥山寺晚花時冉冉野亭空
殘衣留取休沽酒歲暮還堪禦北風

遊天界寺

有僧道成者高皇帝命住茲寺辭以不能參禪上乃頒旨不許參禪

聯騎春遊入化城松風澗水自泠泠山門迎日諸方仰
劫火何年此地經故事放參僧不語遺基猶在草長青
西菴看竹流連久歸路冥冥暮雨零

春夜仝汝其通曹顥若吳永年宴魯廷貴別館

病起逢人笑口開春江花月共追陪離家未遠難云客
會面無多暫接盃浮雲富貴今何在樂事平生得幾回
正爾厭厭賞清夜鐘聲又自水南來

哭沈繼南

去年曾約看山行誰道重來隔死生身後未成妻子計
水流難盡父兄情交遊屈指嗟無幾修短令人怨不平
下馬哭君斜日裏西風斷雁共悲鳴

哭完菴劉僉憲

嗟君一夢入槐宮回首平生事已空闕下論刑親上殿
河東行部舊乘驄湖山曾有遲來嘆朝野猶聞勇退風
年少自憐交最晚幾番揮淚夕陽中

送俞大尹欽取御史之京

徵賢詔下五雲深鸞鳳齊飛入上林驄馬候朝趨闕下

西林集卷三
西本集卷三
繡衣聽漏立花陰登車素有澄清志簪筆寧忘獻納心
寄語行人且相避漢廷桓典重於今

其二

詔許推賢送上天此行真不異登仙郡中豈獨聞三異
囊底何曾受一錢已解銅章辭外補定持霜簡拜新遷
長洲苑裏甘棠樹留與吳民說往年

許克大分教桐城道過余家留詩見柬賦以謝
之

翰墨論交歲月賒朱顏今已鬢成華兩回經見曾因客
三度相過不在家芳草伴人吟道上亂雲隨鶴渺天涯

歸來讀罷留題句搔首無言對落花

秦淮夜泊

滿地月明淮水流帝城南畔大航頭鑿山曾費前人力
逐利今宜過客舟六朝舊事消磨盡四海安生割據休
玉樹哀音已亡國更無人在隔江謳

與金仲和飲別和沈啟南韻

尋醫兼作送春行又遇離人問去程深夜欲眠還起坐
老年爲別最關情楚雲將暝吳鄉杳蜀雪初消漢水生
北望中原應不遠可能從此駐行旌

西郭

幽居西郭且婆娑古屋年深老薜蘿門對寒塘秋色早
城平斜日晚陰多施林豈兔時丁祭教子明經世甲科
除目一來須強起野花啼鳥奈君何

聞汝行敏之京不及往餞賦此以送時寓杭州

偶接家書喜復驚故人今作上都行吳山澗水非吾土
薊樹燕雲費客程投老每傷千里別向風難致一杯情
銓衡今是王司馬應念頭顱白漸生

寄劉有隆

窮居久與故人違始覺平生事盡非兩地風波驚乍息
十年鴻雁惜分飛花穠野寺山行遠草綠閑門巷出稀

令子能來慰愁寂可堪臨水送將歸

送凌漢章赴秦王之招王號賓竹道人

老大辭家西入秦灞陵原上柳條新盃和自得生斯地
扁鵲於今見後身設醴且陪花作友曳裾還伴竹為賓
一鞭已被君先著悵望咸陽渭水春

題扇寄閻尚温

鴻雁秋來春復回音書兩地各徘徊夢中不道關山遠
鏡裏空嗟歲月催吳苑朋遊非舊雨秦川車轂轉輕雷
相逢驛使無相贈聊托清風當隴梅

登長安龍祠道院閣

函香來禮玉宸君試上仙臺日已曛灞上地名重此出
浙西河水又平分天垂蟠螭光流渚風振琳琅響入雲
黃葉滿庭秋色淨洞猿林鶴自成羣

凌天羽要遊臨平湖之讀書堆呈在席諸君子
無量聲光已陸沉書堆猶得住湖心山銜落日天將暝
人鑑寒潭水尚深開塞舊聞關治亂羈遊今幸與登臨
明年擬趁桃花入只恐仙源未易尋

又和徐肅夫原韻

蜩鳩何用羨鵬飛自分林泉老布韋青鳥不傳王母信
白鷗能識海翁機荷鋤隴上躬耕出倚杖門前數畜歸

衣食苟充吾願足浩歌乘月掩荆扉

送稽揮使還長安

落花時節子規啼中散還鄉馬首西漢苑別來爲日久
秦川行到覺天低雲程遠見三春雁關法今無半夜鷄
不獨銷魂灞橋上闔閭城外亦淒淒

其二

行行西邁古函關到處鶯聲似故山當代名藩推陝右
今王大雅繼河間香凝命服趨朝罷樂奏軒縣勞使還
戚里由來居肺腑咨詢長得侍宮班

送楊宗周歸維揚

江亭酒盡客登舟，落木紛紛下未休。
南路風波偏覺險，北方裘馬正宜秋。
天垂迥野山橫接，潮入平川海倒流。
二十四橋行樂處，月明歌吹在層樓。

都玄敬見訪夜話

蹙然步履忽聞聲，喜極翻成倒屣迎。
一別五年如轉眼，重來信宿見交情。
溪雲杳杳隨流去，池月娟娟入牖明。
夜半孤燈挑欲盡，更傳餘燭在薪荆。

步出閨門書事

街巷泥融屐齒侵，臘藏春色未堪尋。
路逢故舊顏多改，城受冰霜剝漸深。
世自隨時成變易，天應無意在晴陰。

歸來獨坐蓬窗底，笑引春醪度越吟。

哭崔淵甫

績學攻文豈致災，花時無奈雨相催。
天公似欲讎斯道，山木由來壽不材。
千里霜蹄中路蹶，九霄雲翼下風摧。
忘年誼重今何望，淚灑青山日幾回。

贈頤浩寺辨如海上人

行徧江湖老始歸，故山猶有佛堪依。
裝輕惟貯吾徒贈，緣淺難留刺史衣。
貝葉編成看獨久，曇花拈出笑曾微。
相尋欲了神交念，非是來叅不二機。

從徐侍郎相度水道過吳興寄沈彥祥吳汝琇

碧苔溪上暫維舟行役匆匆不自由使者擬平洪水患
聖王時軫下民憂非才敢任求賢責傳食難忘息事羞
目斷滄洲烟樹外故人能不為時謀

還家有作

杖策相從使者行欲除民瘼豈求名言微難解旁人惑
才弱空期泮水平公論有時還自定浮雲於世本無營
西風吹動歸歎興笑對滄浪咏濯纓

遊報恩寺

祇樹陰陰輦路通禪林遙在百花中龍宮湧出疑天造
人力裝成象鬼工仙梵入雲聞下界寶光浮日現虛空

長廊畫壁看難遍忽聽鳴鐘憶遠公

送諸立夫還杭

時聞西鄙有兵

月斜霜冷夜烏鳴匹馬蕭蕭候曉行黃葉關河今日淚
青燈風雨故人情山連海岸孤城近潮入錢塘古渡平
聞道秦川新有警可能談笑去休兵

送表兄凌太常省親還京

綵服寧親暫乞歸思君行復上王畿孤雲回首頻南望
旅雁逢春又北飛水驛月明人語靜禁門風細漏聲稀
宮中入覲天顏喜日日含香侍瓊闈

寄陝西平布政

襄陽出守遂休兵曾任襄陽知府時流民作亂討平之藩屏攜家陝右行
化雨又生秦地草遺民猶住漢時城函關西據河山險
渭水東流日夜聲聞道王師新定亂時王師西征千在行間論功
應在一書生

送沈上舍省墓復還靖州

沈吳江人今戍靖州

巴陵南面古沅湘背嶺孤城閉夕陽地接五溪蠻洞襍
水通三峽楚雲長去時車馬經來路到日兒童問故鄉
聞道元方新出戰時其兄以戰功陞千戶出征廣西功成相與沐恩光

送中竺佑禪師還杭州

片雲孤鶴共閑身杖錫南歸遠問津山水別來頻入夢

江湖行盡不逢人中峯古寺松枝轉東院禪房草色新
試看西湖舊梅樹花開何似故園春

送傅上人住杭州保叔

瓶錫隨緣去入杭湖山今已屬支郎前朝古寺多南渡
下界空華出上方滿地白雲朝入定孤峯片月夜焚香
明年不負登臨約應叩禪扉借竹房

弔內閣陳某

何事先生早蓋棺薤歌聲裏路人歎填門客散恩何在
負郭田多死亦安鹽海已無前日利冰山誰障舊時寒
九原若見南陽李為道羅生已復官

之通州與吳永年飲別於垂虹亭

王事驅馳賦遠遊野亭杯酒爲君留湖山有約憐同社
楊柳多情拂去舟花下歌聲催越女斗間精氣解吳鉤
明朝兩地相思處江北江南各倚樓

晚次吳門

扁舟晚泊古城陰野店吳歌攪客心蝴蝶夢中春草遠
杜鵑聲裏落花深漁燈隱隱明沙岸江雨霏霏濕布衾
一曲瑤琴許誰聽江湖隨處有知音

泊楓橋

千古楓橋尚有名孤舟來泊最關情江村漁火愁仍對

山寺疎鐘夜不鳴兩岸帆檣春水上萬家樓閣月華明
夢回試向篷窗聽無復烏啼繞樹聲

錫山道中聞子規

行行西上竟何依一片春帆帶落暉歸夢獨隨流水遠
客程惟覺故人稀飛花小圃鶻聲急芳草平原樹影微
惆悵鄉關渺何許東風回首欲沾衣

至京口

北上南徐艤畫橈欲將興廢問前朝依山城郭高低堞
近水人家早晚潮風到海門鷗社散草青江路雉媒嬌
夢溪風物今何在故壘離離細柳凋

遊鶴林寺

潤州城外古招提杖策來尋日向低林廢不堪黃鶴怨
花空惟聽杜鵑啼香臺草長迷行迹竹院苔深漫石題
坐對青山無一語出門蹊路失東西

渡江

解纜朝離鐵甕城倚篷偏使客心驚雲連極浦千山繞
風轉危檣五兩輕淮甸日斜春草綠海門潮落大江橫
興亡盡付東流水日夜滔滔似不平

郭璞墓

一石巉巖似琢成何年此地卜佳城
嚙刀自信難逃禍

撒豆徒聞可化兵雨過隧前無草色月明江上有潮聲
鵲巢雙樹南崗路
古人傳死後名

廣陵懷古

滅項誅秦始剖符江東千里盡封吳鑄銅爲鏹山仍在
煮水成鹽海未枯几杖未能慙賜賚干戈何事起謀圖
到頭兵敗身隨殞贏得功名屬亞夫

其二

黷武窮兵未肯休都將霸業葬揚州迷樓珠翠雲間出
內苑笙歌月下遊眉掃遠山螺黛盡風生流水妓航浮
江淮欲據仍無策引鏡堪羞嘆斫頭

其三

龍舟行樂到蕪城極侈何愁四海兵神器共傳歸李子
樂章先識去宮聲鳳池有水鷗常下螢苑無人草自生
寂寞西園明月夜只今惟有草蟲鳴

其四

何遜能詩最有聲思梅還復到蕪城風臺徒倚看花繞
月觀徬徨對影橫粉蝶已無春曉夢翠禽時聽夜深鳴
客愁此日醜如酒安得寒香爲解醒

其五

北風吹霧晝昏昏獨守孤城節義存一劍身持惟有死

四郊兵合竟無援煙生睥睨焚降詔血濺旌旗灑淚痕
落日重遊弔陳迹買絲空欲繡平原

其六

淮海名花世所尊當年培植徧諸園玉盤盂小春光淺
金帶圍偏曉露繁卿相昔聞千古賞子孫今見幾家存
東風掃地城南路蔓草寒烟欲斷魂

其七

淮海維揚鎮楚郊江山環抱勢崑崙月明十里珠簾捲
風度千門翠幙飄羽客腰纏思駕鶴玉人攜手教吹簫
於今風景多蕭索原草離離野火燒

其八

春風孤棹遠經過千古繁華逐逝波楚地江山今尚在
隋堤楊柳已無多瑤花臺古遊仙往芍藥廳荒牧豎歌
二十四橋明月夜吹簫人去奈愁何

狼山

狼山一上思依依烟景蒼茫入望微江水東流千里去
海天南望幾人歸雲迷遠樹啼鶯杳麥秀平原獵騎稀
寄語沙鷗莫相避客懷蕭索久忘機

劍山

水流花落送殘春偶逐漁郎一問津山頂著鞭猶有迹

海濱驅石已無人風來野戍邊聲起雨歇平原草色新
欲覓麻姑探消息弱流清淺幾揚塵

軍山

軍山東望遠依依芳草平蕪客去稀風急海鯨吹浪過
月明神女弄珠歸孤峯縹緲青天遠弱水茫洋白鳥微
欲賦壯遊無警句令人重憶謝元暉

龜田

經界分明出化工寶龜形狀儼相同荊州納錫充王貢
洛水呈祥助聖功千歲不巢蓮葉上一秋長入稻花中
野人共信神靈在豚酒時來卜歲豐

海

浩浩洋洋望欲迷
風帆無路認東西
一丸地據中央小
萬里天垂四面低
元氣淋漓浮日月
洪波洶湧起鯨鯢
堪嗟秦漢求仙者
幾訪蓬萊竟莫躋

十世孫濂
校字

西村集卷第三

西村集卷四目錄

五言排律九首

送秋官吳禹疇

松崖草堂

遊金山寺

和姚公綬宴浦氏寫山樓韻

題徐德夫池亭

挽吳都督四十韻

挽禮部倪尚書謙三十韻

壽司馬三原王公七十

輓林世寧

七言排律五首

題劉侍御奉恩卷

和張子靜送遊金陵韻

宿靈隱禪房次劉邦彥韻

寶峯留別

送汝舍人行敏秩滿還鄉復往京師

五言絕句四十八首

題沈啟南小畫

甘露泉

四皓圖

白頭吟

聽鶴山居十詠分題五首

來陽樓八詠分題四首 墓田八詠

和沈啟南題扇韻 湖上曲

前溪曲 懊儂曲二首

題竹

題梅

題小景送人歸宜興四首

與宗弟正夫西湖秋泛二首

題扇 題萱二首

冷泉亭口號與劉邦彥別

泊瓜步口號 晚次丁堰二首

題雜畫五首 溪月吟答吳一齋二首

六言絕句六首

卽景 題曹顒若扇寄顧東明

晤傅上人 舟中偶成三首

七言絕句九十一首

登紫虛閣

寄吳鐵峯姻家二首

題沈啟南畫

題梅

三顧圖

桃花

送人遊巴蜀

題扇

寄友

題范世良扇

醉題西梁壁

十二月古中靜以扇索詩

題和靖觀梅

題許子厚扇

清夜遊過陳湖題翁時用扇

題沈啟南松陵別意

初春題敗荷鴻雁圖

偶成

木蘭花

題澄上人所藏竹

吳廷暉水榭

題扇諷陸廷美

題馬抑之畫江閣捕魚圖

和答吳廷暉三首

寄西杭鈕進之

秋日郊行

和汝舍人行敏韻二首

寄吳禹疇

送顧儀賓赴石城王府花燭二首

題沈啟南畫

題陳希夷睡圖

吳鳴翰湖上二首

和題梅花

題梅花道人鈎勒竹

汎下港

觀海雲院百丈泉

寄陸三瑜

和張東海韻

壽萱

題沈啟南贈尹孟容畫

題陶文式御史寫竹寄衍公

可閑二首

寄保叔修首座

和慶雲祥公韻

蘇堤對酒次沈啟南韻二首

斷橋分手次劉邦彥韻二首

遊武塘甌山道院

子昂蘭

悼軒公

刻絲牡丹

塞下曲二首

遊冶城山二首

題僧善權畫

和三原王司馬韻二首

海鹽張方洲太守慰予室燬臨行賦贈三首

湖上暮歸二首

葵花

鹿葱

宮詞四首

何克廉宅觀妓二首

寄家書二首

見落花二首

分題得震澤竹枝詞送中書李舍人八首

聯句五首

雲泉菴觀大石聯句

續金陵聯句

紫陽菴聯句

小鴻村聯句

雨中汎湖聯句

詩餘三十五首

長相思

點絳脣

浣溪沙二首

菩薩蠻

憶秦娥

謁金門

醉桃源

少年遊

浪淘沙

玉樓春

望江南

杏花天

虞美人

攤破浣溪沙

喜遷鶯

醉落魄

踏莎行

臨江仙

蝶戀花

青玉案

風入松

滿江紅

孤鸞

金菊對芙蓉

玉蝴蝶

百字令二首

木蘭花慢

水龍吟

解連環

賀新郎

蘭陵王

瑞龍吟

哨遍

西村集卷第四

松陵史鑑明古

五言排律

送秋官吳禹疇

明經躋上第分署赴南京祖餞羣公集關河幾日程迎
 親就祿養便道過家行春色隨車馬花枝拂旆旌山圍
 京口路潮洗石頭城志在無刑治民思用法平連營知
 斂迹西廣避先聲鄉里多寮案宗人更水衡退公時燕
 喜求友感嚶鳴愁殺閒鷗鳥烟波冷舊盟

松崖草堂為戴侍御賦

墓所屋也丁父憂居此

栽松連絕巘結宇近先塋地據金魚勝天留石鼓名

石鼓皆浮梁山名 翠濤翻戶牖靈籟奏簷楹風磴吹蒼雪芝田

秀紫莖階前蘿蔦覆歲久茯苓生雨露三年淚乾坤萬
古情草香山鹿下月冷夜烏鳴鳳翥碑文照鸞回錫誥
榮服除捐枕塊詔起侍承明回首鄱湖上雲飛宰樹平

遊金山寺

屹立大江頭雄跨二百州孤峯雲際出蕭寺鏡中浮嵐
翠沾衣濕泉聲度竹幽神龍行雨過天女散花遊風逆
帆斜渡潮回海倒流祇園春寂寂仙梵夜悠悠塵起淮
南市烟生海上洲珠光寒射月蜃氣曉成樓轉戰懷名

將憑陵失鹵酋登臨動遐想無限古今愁

和姚公綬宴浦氏寫山樓韻

地據東南勝樓居縹緲中使君持節過朋從盍簪同感
舊咸來雨憑高欲御風瑣窻窺皓月複道駕晴虹隱几
皆天籟掄材盡國工尋盟山在近逝景水流東寫畫成
三絕操文送五窮報籤驚漏永下箸覺盤空久住忘爲
客相看半是翁酒酣揮剡楮句雋壓吳楓捷似奔泉驥
飄如戲海鴻花枝羸鬢白簾幕障塵紅詠雅思求友歌
風念在公流蘇垂婀娜嘉樹映玲瓏共訝才無敵還聞
劍有雄摠衣爭厠坐閉戶自編蓬已分鳩飛莽遙憐鳳

宿桐觀明慚燭火效響類鳴蟲愛士懷徐庶傳經陋馬
融未能躋雁蕩徒欲倚崆峒俗美便肥遯時平不尚功
且拚陶令醉莫問許丞聾技癢聊賡韻睽違阻發蒙學
書期捧硯侍射願持豐望望淮南遠馳情古桂叢

題徐德夫池亭

臨川開第宅闢土作陂塘葺宇荷為蓋規芳荔植墻大
觀天盡際小碣水中央白日尋常過浮雲聚散忙林霏
滋鳥道柳浪泛虹梁曳履來鳴玉投竿出釣璜游魚聞
瑟起歸鶴愬風翔下女收遺珮清童拾墮璫露香敷齒
替雨漲浴鴛鴦向夕尤宜月吹簫引鳳凰

挽吳都督四十韻

文皇臨御日震怒滅殘胡下詔求名將惟君冠武夫揚

旗頻扈從公由錦衣衛千戶陞旗手畧地效馳驅左廣

兼追蓐前茅特慮無又陞先鋒交綏斬當戶官名圍合走單

于馬驟黃砂碎膏塗白草枯窮兵踰遼濮部落喋血度

余吾水名入塞長歌凱還京促獻俘成功由力戰制勝仰

神謨爵祿初行賞山河議剖符麗城分甲第報宴出宮

壺此上言其從車駕倭寇侵遼碣妖尼唐賽兒煽益都山東

青州府徂征連得雋元惡尚逋誅唐賽兒卒不獲此荆

楚重防守公凡兩江淮更轉輸公領漕運登臺躬講武

鳴鼓榜衙艦叔子風流遠公孫政績殊散金周下士枉

駕禮寒儒畫壁懸犀甲華裾被鹿盧精光騰閃爍塵土

暗糶糊此上言其鎮荆淮受命南中討麾軍隴右趨瘴

雲披立幟蠻鳥避彎弧鐸鞘南詔戎器狀如殘刃有孔

無不洞夷人寶之月以血難施巧羅苴南詔兵名戴朱

祭之其王出征必雙執之戰敗戰時思任發獲

醜放為奴郡縣斜通海雷霆直過瀘浪夷來鑄劍有南詔

劍浪人所鑄又名爵刃鑄時以毒藥并冶取迎躍如星

越睽貢調駒越睽蠻名也其西多薦草產善馬世稱越

七年可御日馳數百里事並帝念勤勞久才宜翊贊須

禁垣留宿衛督府筦機樞此上言其任盈滿常思懼撝

謙每自圖封章陳老病舟楫渺江湖鄂渚園林舊公舊

於鄂有第宅故歸老蘋蘋溪水石俱鄂有蘋花枝迎舞袖香

月照吹竽此上言致暮景優游樂浮生奄忽殂廟堂成

悼惜部曲盡驚呼賜葬恩偏厚星移塚易蕪岡形侔伏

虎公墓在宰樹集啼烏慘淡悲風起淒涼落日捕爪牙

嗟已矣邊鄙屬多虞公以正統十一年卒十四年也往

事於今異雄心死後孤有知應指髮如在合捐軀狂客

憂時淚衣襟為爾濡

挽禮部倪尚書謙三十韻

異才鍾間氣昭代出名臣
俎豆勤爲習文章早致身
探花年最少中的士咸賓
抽史三長著摛詞五采新
豐城初得劍郢匠巧持斤
鳴珮趨丹陛含香侍紫宸
大官分御膳中廐給翔麟
玉笋聯班近金蓮送院頻
青宮推輔導黃閣掌絲綸
奉使逾遼左張旌誓海濱
皇華明賜服暢轂被文茵
勞贈能加敏咨詢更絕倫
賦詩慚譯史仗節聳夷人
肅慎遙修貢扶餘悉效珍
年勞將進秩策免竟罹屯
朔漠兵戈老邊城睥睨春
聖情憐久故恩詔起沉淪
浩蕩乾坤德生全造化仁
南宮司禮樂北斗筵喉唇
出納惟王命樞機秉國鈞
小心如履薄大議獨垂紳

蝕壁俄驚月騎箕忽在辰
徒歌引虞殯何處駕尻輪
嗣子停分直交朋憶飲醇
魂招嗟不返蘭槁尚誰紉
伊昔歆高誼常圖謁後塵
荆州那爾識蒿里賁吾親
公有挽先君詩拜惠謀通刺聞喪淚滿巾
買絲空欲繡絮酒奈無因
落日悲風裏哀吟寄一顰

壽司馬三原王公七十

司馬今元老升朝立要津
力能扶社稷功足庇民人
敷歷更中外驅馳爲拊循
名公分主陝晉盜去奔秦
直道昭星日危言聳縉紳
格君由正已憂國擬忘身
闈寺威應戢閭閻氣頗伸
才猷誠間出壽考賈殊倫
從欲無踰

矩行年比斲輪洛城謀會甲嵩嶽咏生申瑞應啣圖鳳
文徵繫紱麟封章求退切優詔勉留頻恭默思良弼經
綸仗蓋臣舊都根本地諸將輯和辰選部申三命官庖
送八珍進階崇禮秩強食輔精神眷顧方隆重咨詢合
對陳衮衣寧廢補台鼎且須親燮理陰陽順甄陶造化
仁微軀如健在願與物同春

挽林世寧

閩人號雪軒

有美邱園儁高風表七閩持身恒禮度教子總儒紳花
月尋常酒臺池上下春甲過年在戌木壞月臨申七月
地煖原無雪軒空不見人海山波霧慘猿鶴怨驚頻丹

荔逢時熟紅蕉浥露新可悲惟節物觸目轉傷神

七言排律

題劉侍御奉思卷

父歿贈母存封

少日趨庭業已成立身端不媿揚名乾坤共荷生全德
存歿寧忘慕愛情春雨秋霜行處感冰魚冬笋饌時烹
馳封禩廟雲章賁錫號慈闈象服榮牢鼎自調陳禘祭
版輿躬御樂新晴羹墻有見顏如在供養還資祿代耕
清畏人知思濟美獄經親問遂持平聖朝孝理煩公輩
比屋從今盡可旌

和張子靜送遊金陵韻

匹馬蕭蕭一劍持出門長嘯向京師生平不受公孫識
慷慨思酬國士知海內一家天地位江東千里帝王基
文章欲借山川助游說羞將口舌移沈老著鞭殊覺早
荀君張弩未爲遲義興取道聊從便深水浮槎信亦宜
綠樹鶯花堪對酒青雲軒冕本無期新亭流涕成何事
獨立春風細詠詩

宿靈隱禪房次劉邦彥韻

覽勝行行到上方翠微深處有禪房朋來薄暮還投宿
僧悟無生已坐忘燈火照人歸別院石臺敷席對匡床
天風灑雨沾衣濕松影和雲滿地涼接竹引泉通絕澗

開門放月轉回廊呼童斲笋烹春茗擁被論詩覺夜香
鹿女踏花依淨土鶴羣警露唳層崗歡娛此去應須得
會合如斯不可常運社逍遙將繼遠蘭奢稱讚獨輸王
間更最苦今宵短話舊空悲往日長晚節莫因些少失
浮生休著許多忙劉郎肯踐南山約再絆芒鞋入杳茫

寶峯留別

寶峯西占古城邊塔殿凌空得地先山勢羣趨疑捍海
潮頭高駕欲浮天江湖不管人興廢陵谷多緣世變遷
寺到南朝爲盛矣兵遭北鹵遂蕭然莊嚴花事憑園子
斷送春光屬酒船雙鶴已隨徵士化六橋猶記長公賢

從僧借住非生客老我登臨異昔年松塢采花供服食
竹房聞鳥醒酣眠閑披芳草尋巾子戲酌寒泉酌水仙
琴操機鋒那識道版師風味勝參禪重來每感前遊跡
此別仍祈後會緣去盡幽溪動歸興茂林斜日亂啼鵲

送汝舍人行敏秩滿還鄉復往京師

池上頻年獨制麻歸來兩鬢未霜華慈親投老承顏色
令子成材有室家夢繞烟花催赴闕雪消春水送浮槎
雲開閭闔龍顏近朝退班行雁影斜侍女焚香供直省
衛兵森戟候排衙天生賢俊為時用休把鱸魚到處誇
五言絕句

題沈啟南小畫

人事有動靜山林無淺深心虛耳長寂應不怨鳴禽

甘露泉

映竹借幽色浮華流妙香春遊多熱惱暮飲得清涼

四皓圖

彼美四老翁言為太子死野雞乘此飛殺聲四邊起

白頭公

擾擾為形役未衰霜滿巔幽禽無一事頭上也皤然

聽鶴山居士詠分題五首為長洲呂廷春

迎珮橋

橋下水長綠橋頭人自行春風忽相過時聞環珮聲

印月池

皎皎天上月照此池中水運行無停機容光亦鑑止

欵雲軒

軒中多白雲霏霏日如霧風吹散又生更宿簷前樹

清暑處

激水四簷鳴常如風雨聲不須秋節至紈扇已無情

丹霞嶺

壘石疑天造飛來小赤城陽鳥出海後如有彩霞生

來陽樓八詠分題四首

為僧寮
本性空

栖雲棟

危棟勢凌空時有浮雲度應與樓中僧去來本無住

凭虛檻

縹緲臨虛檻端居最上層孤高下無地著個看雲僧

焚香几

老僧靜焚香香燼添微燭相對默無言心清自聞杪

茶烟榻

定起茶初熟烟生風更吹村翁欲相候慚愧鬢成絲

墓田八詠

右軍都督府都督吳亮
葬處也在湖廣武昌府

東臯宰木

松栢何青青下有將軍墓猶疑論功時屏退獨倚樹

南浦衡茅

瞻此廬墓居元非送行處孝子哭其親烏啼天欲曙

表柱秋風

華表揭新阡峩峩莫荆楚上有鶴飛歸時能作人語

圭田春雨

膏雨既霑足响响滿野春藝禾供廟祭遺稔利農人

鏡池蟾影

鑑止不鑑流愛此一泓淨清夜月團團空明兩相映

芝亭秀色

芝生玄堂陰三秀備五色燁燁揚輝光瑞應天中極
獅峯積雪

巖巖獅子峯孤墳屹相對維昔征蠻功象陣悉驚潰

虎嶺飛雲

盤盤虎山崗矯矯虎臣墓嗣子望飛雲徘徊起思慕

和沈啟南題扇韻

草莽蕪深谷輪蹄競市橋年來人盡出不待小山招

湖上曲

君家湖北頭門前湖水流似儂意日夜不曾休

前溪曲

百才集卷四 五言絕句

朝飲前溪水暮泛前溪舟溪頭有明月照見古今愁
懊儂曲

郎向塞北遊妾在江南住願爲防身劍與郎作伴去

又

行路莫行遠看花莫看遲花遲少顏色路遠長別離

題竹

密葉因風掃涼陰借月生龍孫潛未發應待法雷鳴

題梅

古寺借梅看欲去仍回首試問優曇花有此寒香否

題小景送人歸宜興

家住銅官山山亭翳修竹主人遊未歸白雲滿幽谷

其二

山中多白雲栖我亭前樹日暮度前村又與東風遇

其三

朝下銅官去暮向銅官歸春風被花惱滿山蝴蝶飛

其四

歸向銅官下長歌采蕨薇嵐光霏翠雨濕盡薜蘿衣

與宗弟正夫西湖秋泛

斷岸餘衰柳輕舟泊淺沙西陵南下路多是野人家

其二

湖水載歌舞流來復流去不知溝澮間灌注無寧處

題扇

高浪蹴天浮停橈且灣泊寄語後來人前途風更惡

題萱

堂背萱花好慈親日舉觴南風吹緩帶比葉一般長

其二

試問萱花道慈親壽若何一叢千萬葉計數未爲多

冷泉亭口號與劉邦彥別

君去我獨留持杯勸君酒明日虎跑泉還來看山否

泊瓜步口號

昨夜宿江南今朝過江北愁聽子規聲欲歸歸未得

晚次丁堰

日暮青山遠春歸綠樹酣壺觴不成醉坐聽野人談

其二

犬吠月中影風吹衣上塵隣船試相問俱是未歸人

題雜畫

斷崖泉水落古木野雲平獨坐不知久忽聞天籟鳴

其二

山中雨初歇谿水夜來長幽禽知我閒飛下復飛上

其三

山光凝暮雲風來忽吹散借問在山人何如出山見
其四

山雲低欲流山泉綠堪釀高臺人不遊麋鹿來亭上
其五

坐石看流水晚來忘却歸鴛鴦見人影驚起一雙飛

溪月吟答吳一齋

君家韭溪上儂家穆溪頭相思不相見恨隨溪水流

其二

西山一何高東海一何深惟應天上月得見兩邊心
六言絕句

卽景

綠樹原頭淺草青山谷口飛花記得南湖良夜月明曾
載琵琶

題曹顥若扇寄顧東明

鶯脰湖邊舊隱吳淞江上行舟借問離情何似春波日
夜長流

晤傅上人

寶石山中看雨冷泉亭上聞猿別後幾場春夢相逢又
在祇園

舟中偶成

清澤莊頭釣艇奉先院裏禪床綠樹數聲啼鳥青山一
抹斜陽

其二

抱琴循水路轉曳杖看山日斜短屐躡殘莎草小橋流
出桃花

其三

細草綠侵沙岸野花紅點青山短棹自隨流去暮禽相
與詩還

七言絕句

登紫虛閣

江樹離離江水平紫虛高閣倚春晴仙人醉坐碧窻下
吹徹洞簫如鳳鳴

寄吳鐵峯姻家

時孫曾
同往謁

少相親愛子相婚家室咸宜更有孫要與外翁成宅相
莫教空羨魏陽元

其二

頭玉髣髴眉目清認呼應自解人聲馬遷聞有新編史
異日當成子幼名

題沈啟南畫

一春風雨未曾晴入夏湖波與岸平獨上江樓聽布穀

畚田幾處有人耕

題梅

瘦影幽香蝶未知幾番愁絕五更時春寒昨夜新餅凍
寄語東風爲一吹

三顧圖

炎火無光漢祚微月明烏鵲又南飛臥龍一起成王業
千古纔知帝魏非

桃花

呼猿洞口暮春時吟遍桃花一萬枝今日獨看圖畫裏
茶烟飛繞鬢絲絲

送人遊巴蜀

雪消巴蜀水初生此日逢君買棹行鍾鄧有知煩一弔
降王猶到洛陽城

題扇

雨過青山翠欲流夕陽明處斷虹收扁舟自爲尋詩去
不在求魚下釣鈎

寄友

與君傾蓋二毛初別後無由數寄書江上無人問消息
紅莊隨馬射游魚

題范世良扇

西村集卷四
江南舊宅已無存義澤依然在子孫君去歲寒堂上看
長松幾箇立當門

醉題西梁壁

西風蕭蕭吹客衣黃溪道上行人歸一聲長笛起天外
白雲滿山霜葉飛

十二月古中靜以扇索詩

一夜西風冰塞川敝裘羸馬夕陽天旁人却笑猶持扇
爲惜江春入暮年

題和靖觀梅

孤山山下斷橋邊萬樹寒香雪後天我亦騎驢來弔古

夕陽荒塚寺門前

題許子厚扇

好山多在石湖西草色新年綠未齊亭子半開修竹裏
一簾春雨鷓鴣啼

清夜遊過陳湖題翁時用扇

青山隱隱暮江頭月色隨波蕩綠舟水鳥雙栖忽飛去
一聲橫笛起中流

題沈啟南松陵別意

芙蓉秋水照雙旌冠蓋紛紛出送行見畫不堪傷往事
冷風和雨過江城

此圖余曾求之啟南以贈行者後
五載見於曹以明所爲題其末云

初春題敗荷鴻雁圖時方飢荒

霜落風高欲下遲
水田無食苦長饑
上林莫道歸飛早
今日江南異昔時

偶成

一年春事已闌珊
天意應於好景慳
落盡桃花終日雨
逢人空自說遊山

木蘭花

玉色娟娟淨不華
莫教零落委泥沙
不知剝木為舟日
開過東風幾度花

題澄上人所藏竹

渭川千畝影蕭蕭
苦早年來葉半凋
見畫忽然興遠思
行人應在灞陵橋時長子承錫往陝西

吳廷暉水榭

溪聲到枕驚春夢
露氣入簾生夜寒
自起開門看明月
和花移過曲闌干

題扇諷陸廷美

大田塵起桔槔鳴
望雨不來無限情
借問金陵貴公子
此聲何似搗秦箏

題馬抑之畫江閣捕魚圖

水閣風多酒思涼
仙郎一曲和滄浪
祇今正是賢勞日

莫爲鱸魚戀故鄉

和答吳廷暉

竹逕陰陰厚綠苔
華門長日未曾開
春風是處皆花柳
那得閒心去看來

其二

一春多雨更多風
猶有殘花茂草中
縱使君來不堪賞
冷香和露泣微紅

其三

鶯花長笑主人貧
盡日何曾酒入唇
珍貺忽來勾飲興
野亭還有一分春

寄西杭鈕進之

西湖湖上水初生
重疊青山接郡城
記得扁舟載春酒
滿身花影聽啼鶯

秋日郊行

浪擻風帆不繫舟
日斜橫笛起中流
山青雲白江蘼綠
羣雁忽鳴聲帶秋

和汝舍人行敏韻

故人今在承明廬
不媿昔年行秘書
親隨相臣侍玉陛
肯效學士焚銀魚

其二

珮玉鳴璫居直廬黃麻紫誥不停書春來中使傳宣入
內苑看花更釣魚

寄吳禹疇

賜宴曲江歸路遙杏花如錦玉驄驕旁人莫訝不成醉
明日謝恩須早朝

送顧儀賓赴石城王府花燭

銀河星度月流輝來傍天孫織錦機不道九霄風露冷
夜深催換紫綃衣

其二

香車齊向內家迎一朵宮花下殿行自是和鳴應鐘呂

鳳儀原不爲簫聲

題沈啟南畫

營邱骨冷瘞青山逸駕遙遙信莫攀近說東陽得三昧
寒林今復見人間

題陳希夷睡圖

世事紛紛奕棋蓮花峯下睡多時春風引入華胥國
忘却浮生在亂離

吳鳴翰湖上

吳爲洞庭山人

紅塵不到三山遠家住蓬壺鏡裏天隔浦落花雙屐雨
過門流水一溪烟

其二

多時不到南湖上
花落鶯啼又一年
有約畫船同載酒
短篷春雨看鷗眠

和題梅花

西湖湖頭月滿天
騎驢夜踏孤山顛
翠禽啼斷不成夢
令人苦憶羅浮仙

題梅花道人釣勒竹

協律遺踪世所珍
湖州惟用墨傳神
沙彌老去耽成癖
筆法真能到古人

汎下港

短棹夷猶去復還
一聲漁笛起空灣
主人何事催歸急
且看湖南日暮山

觀海雲院百丈泉

接竹分來知幾年
雲房長得潤枯禪
一從學士題詩後
吳下纔聞有此泉

寄陸三瑜

柴門流水釣磯閑
夢繞天涯鬢已斑
酒債詩逋還未了
又隨人去看青山

和張東海韻

墨花成陣醉題詩
寶帶橋頭客散時
記得松陵南下路

西水集卷四
驛樓聽雨鬢絲絲

壽萱

花開親老百憂忘
笑對兒孫引壽觴
不信瑤池在天上
蛾眉蕭颯也成霜

題沈啟南贈尹孟容畫

天水吳興兩地懸
械詩遙作買山錢
峯巒滿紙新題徧
喬木依然在澗邊

題陶文式御史寫竹寄衍公

憶昔攢眉入社中
歸來三徑飽清風
東籬把酒餘酣在
却寫橫枝寄遠公

可閑

鈎簾把酒對青山
老境無求始是閑
請看春波門外水
年光流去幾時還

其二

自笑欲閑閑未得
却從忙裏賦閑詩
飛雲倦鳥歸栖處
此意世人多不知

寄保叔修首座

紅樹綠波青黛山
笙歌日在畫船間
老僧定起渾無事
惟有長松相對閒

和慶雲祥公韻

西林集卷四
窗外棲禽薄暝烟吳僧相對佛燈前南能化後曹溪竭
何處人間復有禪

蘇堤對酒次沈啟南韻

湖上采花人未歸蘇堤柳色妬春衣踏青兒女歌聲亮
驚起鴛鴦各自飛

其二

雨後滿湖生翠苔畫船歸去水迢迢生憎蘇小墳前草
野火曾經幾度燒

斷橋分手次劉邦彥韻

日暮橋邊酒棹回更因殘唱送餘杯人生易老春光莫

能爲看山幾度來

其二

近水人家半掩扉兩山樓閣尚斜暉斷橋無數垂楊柳
總被遊人折漸稀

遊武塘瓶山道院

故宋酒務也

權利當年滿世間棄瓶猶見積成山何人爲起樓臺住
種得長松待鶴還

子昂蘭

國香零落珮纒空芳草青青合故宮誰道有人和淚寫
托根無地怨東風

悼軒公南海鹽南寺

東風吹雪沁春泥
曾倩吳僧半榻栖
惆悵重來不相見
野禽飛上曲闌啼

刻絲牡丹

中原新尚女真黃
姚魏含羞怨夕陽
誰挽春風上機杼
又隨番使過錢塘

塞下曲

城下黃河城外山
羌兒騎馬唱歌還
磧西亦有閑花草
莫信春光不度關

其二

河水東流風北來
孤城畫角秋生哀
白頭邊將不知老
彎弓時上單于臺

遊冶城山

飛龍已廢前朝榜
萬歲新更此地顏
何事遊人渾不解
叩門猶問冶城山

其二

東望鍾山王氣生
祖龍曾此費經營
太平天子於今應
贏得秦淮遶鳳城

題僧善權畫上有沈敬南題跋

倪迂死後猶存畫
權衲圖成更有詩
頭白雲卿重題品

董元曾是巨然師

和三原王司馬韻二首

封章頻上敢懷安
魚水君臣古亦難
優老忽聞明詔下
考槃今咏碩人寬

臨岐重拜大夫勤
望有音塵別後聞
四海一家征戍少
太平天子正敷文

海鹽張方洲太守慰予室燬臨行賦贈

舉目凄然百感侵
敗垣殘礎燒痕深
流鶯似惜人憔悴
未及花時送好音

其二

宿草回青柳放芽
東風隨物付繁華
舊時燕子今何處
已自啣泥過別家

其三

催花小雨濕春衣
江海茫茫越鳥飛
樂事賞心渾忘却
獨將清淚送君歸

湖上暮歸

朗月微明斂夕霏
水禽將宿未驚飛
畫船去後笙歌歇
貪看湖光緩緩歸

其二

鴨羣呼去水雲空
香滴蘋花露氣濃
僧寺茫茫看不見

暮烟生處忽聞鐘

葵花

黃裳采采露盈盈。清挹華房沉澹生。漢武若先知此味。不教雲表立金莖。

鹿葱

鹿葱華蘂世同珍。肯謂忘憂別有真。大抵人情重傳信。辟邪元不是麒麟。

宮詞

自負嬋娟入內家。誰知輦下卽天涯。子夫不屬平陽第。那得君王載後車。

其二

春思慙慙上黛眉。強來庭下立多時。紅顏不及閑花草。也得東風一度吹。

其三

晝永閒來水殿遊。芙蓉愁寂似含羞。花枝自與春風別。臨到開時又一秋。

其四

自入深宮無出期。真成薄命底須悲。君門一任如天遠。終不從人問見時。

何克廉宅觀妓

一曲清歌遶畫梁。春風吹散舞衣香。酒酣却笑蘇州守，何事樽前欲斷腸。

其二

綵雲歌罷翠眉低。斂笑凝眸思欲迷。春自無情欲歸去，落花休怨杜鵑啼。

寄家書

千里迢迢尺素書。幾回修得寄雙魚。大江南去休遲暮，白髮嚴親久倚闌。

其二

握手將分更少留。渡江休得有沉浮。莫言一紙輕如許，

無限鄉心與客愁。

見落花

野寺春歸已慘悽。那堪一夜子規啼。東風不道人憔悴，吹入塵途襯馬蹄。

其二

風吹猶見影離離。留戀低回欲恨誰。莫怪來看獨惆悵，如今不是故園時。

分題得震澤竹枝詞送中書李舍人

洞庭西望水漫漫。浪打船頭來往難。荷葉作衣蒲作帽，只遮風雨弗遮寒。

其二

野老乘舟自打撈
閑看翡翠戲蘭苕
連山不斷南津口
曲水回通底定橋

其三

太湖一水跨三州
洞庭兩山在上頭
儂意如山常日靜
郎行似水去難留

其四

合伴送郎湖水邊
柳絲無力繫郎船
黃蘗作籬籬更苦
淤泥種藕別生蓮

其五

震澤雨晴添水波
郎船將發唱吳歌
誰知三萬六千頃
不及儂愁一半多

其六

十里荷花雲錦機
鴛鴦相對浴紅衣
不道采蓮歌漸近
一雙驚起背人飛

其七

燕子來時雁北飛
留郎不住別郎悲
小麥空頭難見麵
春蠶作繭自纏絲

其八

風吹雨點打荷盤
點點成珠碎又圓
碎珠更有重圓日

雨落何曾再上天

聯句

成化十四年十二月十六日吳興張淵子靜松

陵史鑑明古長洲李牲應禎吳寬原博穎川

陳瑄廷璧入雲泉菴觀大石聯句

巖巖者大石李奇觀人所誦遐想十年餘吳來遊五人

共舍舟始登陸張杖策不持鞚是時日當夕史茲山氣

逾滂入門信突兀李拾級駭空洞落星何破碎吳靈鷲

相伯仲仰觀神欲飛張俯瞰心屢恐鱗皴苔蘚剝骨立

冰雪凍史神驅道攜呵李鬼劈文錯縱尊嚴凜君臨吳

張拱儼竇送環列盡兒孫張擁護等僕從欲假愚公移

史諒非雍伯種臥鼓慨桴亡李對曰怯杵重貌吻呀未

收吳龍鬣怒難控凝血疑痛鞭張立肺詎究訟上漏還

啟窻史中通自成術大惟補天功小可砭肌用分矢肅

慎來李浮磬泗濱貢張廉利並攢劍元臬側倚甕嶧山

辱羸秦吳艮岳遺汴宋節彼民具瞻張壯哉客難奉史

落照紅抹赭歸雲白流汞僧講點頭磨李將射沒羽中

塵緣契三生吳陣圖懷七縱張在縣太師擊攻玉詩人

諷仙煮充腹飢俗搯免腰痛瑤琨產維揚吳琅玕出乃

雍高題少室名李恠作東坡供半空見玉蝠千仞附青

鳳張栖禪逾百年問僧僅三衆憑虛圍曲闌吳架壑出

飛棟史竹幽補堂坳樹古嵌厓縫寶黑炊烟熏李坎平

鍾乳壅盤盤棧道危吳灑灑水泉動張登頓足力疲眺

望眼界空史松露髮欲濡潭月手可弄吳窮扳任生鞞

李醉吟微帶颯列坐對鸞跼張大呼應鏗碣嗜癖牛李

愚史詩戰鄒魯闕吳拜奇得顛名陳憂墜成噩夢吳試

與叩山靈肯售捐薄俸李

續金陵聯句有序

曹孚顒若歸自南京過予叙舊誦其所與李職方

貞伯汝武選行敏周院判原已聯句甚悉諸君子

皆予之故人而南京亦予嘗遊於時職方以使湖

湘來歸武選院判屢有樽俎之貺獨無贈言何顒

若得言若是之多哉因與顒若及張淵子靜汝泰

其通共聯一篇詩既半會日暮顒若其通以事先

別去子靜謂詩不可不成乃與予足之成化二十

二年五月戊辰松陵史鑑識

長夏清無暑張幽居靜不忙對書昏欲睡史汲井渴思

嘗林晚聞鳴鵲張朋來自遠方水村圍綠樹汝雲竇引

滄浪鶴闌中門立曹荷分別浦香飛梁虹下飲史浮島

雁低翔路裊闌干石張池循宛轉廊古墻綠薜荔汝溪

洞入簣管雨曳三時濕曹風寒五月涼望晴謹晝啓史

冒冷感秋傷地淖冬青謝張庭陰夜合張燕閑雛出壘

汝蜂鬧蜜分房磬折寒暄叙張盤旋劍珮踰語音微帶

漢史習氣半離鄉問訊公卿舊汝歸尋草澤藏鴻留泥

上跡曹螢避日中光洗拂東華土張留連北海觴割鮮

羞列豆汝舞象綴齊行江笛吹楊柳史簷花落豫章聊

為犀首飲張莫數次公狂杯面栖鸚鵡汝鑪腰錯鳳凰

畫圖神品異張彝鼎識文詳算馬壺更勝史登豐鱣屢

揚工升當瑟坐張僕倦觸屏僵酒量江河窄史歌聲磬

筦將輕刀霏雪鱗汝疎布竊瑤漿筋引銀絲滑史盤堆

火齊煌臙曉濡芥醬張餅餽夾鵝肪詩句聯珠琲史談

鋒出劍鉞冥揆溪摧腎張苦索官探腸調古才殊窘史

吟窮思忽昌癡心角韓孟張高視下盧王自顧山林槁

史難齊省署芳行藏同畫虎張游讀等亡羊徑笑終南

捷史羣遺冀北良正論高閣束張安用鑿坏亡大厦誰

當任史明時老不妨乾坤隨所寓張江海渺相忘底事

憂千歲史浮生夢一場盍簪時有數張秉燭夜何長况

復搏沙散史無云好樂荒明朝又南北張落落曉星望

與劉僉憲珏沈啟南周沈繼南名紫陽庵聯句

山為春城媚鰲峯更可觀劉便當輕五老何待覓三韓

周靈氣知溪鬱奇形惜太刻史俯身穿石罅側足上厓

端名嵐重行衣濕苔浚步履乾劉小菴幽處縛重殿卸

邊攢周日近關常暖霞封洞不寒史夢龕仙骨蛻木象

古真刊名聲宿鳴琴室香餘拜斗壇劉把芝呼白鹿種

竹引青鸞周屢憩純陽子時遊靖長官史曲闌憑瑪瑙

橫管執琅玕名沆瀣非凡食芙蓉是道冠劉龍猶圍故

鼎烏解啄遺丹周逸跡追何及長生學不難史揮杯送

雙目隨鶴過江干名

與李太僕吳太史小鴻村聯句贈張子靜

家住小鴻村李雙溪綠映門地偏城府遠吳俗儉土風

敦野燒回春色史漁磯露水痕浮槎下秋澗李壞壁上

朝暎古雪茗相滙吳羣山弁獨尊雞埒連草屋史牛跡

遶瓜園淺斲寒收蟹李疎籬曉放豚鄉人分社飯吳鄰

婦借縑盆把卷桑陰下史持杯松樹根閑常開曲徑李

時或過高軒抱膝仍長嘯吳披襟快一論有書君莫上

史世已厭多言李

與劉廷美沈啟南沈繼南雨中汎湖聯句

畫船載酒入空濛四面湖山水墨中史繫纜石留秦舊

物賣花人帶宋遺風劉怕寒沙鷺低拳白受濕汀桃淺

破紅

南

未必晴時能勝此笙歌莫放酒杯空

南

與張子靜曹顥若夜集鴻村草堂聯句

乾坤俯仰信如浮歲月無情易白頭

張

落魄未應明主

棄尋盟今為故人留

曹

廉頗老去猶能飯李廣行間竟

不候江海茫茫相識少燈前乘醉看吳鈞

史

詩餘

長相思

無題

花滿枝蝶滿枝客舍慙慙臥病時愁聞春鳥啼

為相

思苦相思相別常多相見稀纏綿無了期

點絳脣

聞歌

春夜厭厭珠明玉瑩雙雙見惺惚言語耳畔相思怨

對酒嬌歌覘睨流鶯囀香風扇花枝撩亂月照鞦韆院

浣溪沙

夏夕賞蓮

絳蠟籠紗夜賞蓮碧筩擎酒吸如川嬌歌宛轉雜繁絃

急雨濺珠彈脫葉亂砂銜石軋流泉此時不道夜如

年

又

曲水流通濯錦紅新門移轉納香風畫舟時傍彩雲中
東 半夜月明歌楚調雙蓮波冷泣吳宮鴛鴦驚散各西

菩薩蠻

贈妓

柳腰清減花容瘦眼波凝綠眉山皺春去已多時不堪
聽子規 相逢時話舊淚濕羅衫袖對酒莫高歌聞歌
愁更多

憶秦娥

登保叔寺湖光寶閣

湖邊寺樓臺舊是春遊地春遊地千花張錦兩山橫翠
西風闌檻秋無際青山不改朱顏異朱顏異斷橋殘
柳伴人憔悴

謁金門

贈歌者

春夜香火樹滿街開早年少沈郎風度好踏歌聲更巧
嫋嫋餘音未了一似遊絲縈繞漏盡月斜天忽曉彩
雲猶縹緲

醉桃源

寄劉邦彥

西木集卷四
北新橋下雨催詩春歸人也歸多君重約再來期春來
人未知 花掃地笋翻泥還家時節移青山南望渺天
涯美人相見稀

少年遊

題小景

青山重叠遶回溪空翠濕人衣好似嬌娥曉臨粧鏡石
黛掃雙眉 丹楓映水如漂錦秋色悞春姿風振華林
滿空靈籟走上小亭時

浪淘沙

觀天魔舞

瓔珞五花冠雲鬘鬢霞衣縹帶綴琅玕玲舌輕彈天
樂響人在雲端 弓樣轉彎彎左右回盤鏡光如月照
孤鸞天女散花穿隊子環珮珊珊

玉樓春

賞克振弟牡丹

名花綽約東風裏占斷韶華多在此芳心一片可人憐
春色三分愁雨洗 玉人盡日恹恹地猛被笙歌驚破
睡起臨粧鏡似嬌羞近日傷春輸與爾

望江南

閻尚温招飲湖中

西村集卷四
船櫓處恰是藕花洲別處歌聲剛得借去時春色不堪
留花落水空流天漸晚臨去更回頭山翠遠如眉黛
曉湖光疑似眼波秋越女不勝愁

杏花天

壽楊經歷七十一

杏花園遍東風裏愛春色年年相似仙翁試把朱顏比
不是等閒桃李借問胡麻和石髓怎能比子孫甘旨
古來七十人能幾過了從頭數起

虞美人

贈陸廷美

海榴枝上啼黃鳥好夢驚殘早起將雙陸賭楊梅只見
馬兒骰子走如雷涼臺水榭相攜手盡日酣歌酒小
娃頻打子規飛底事聲聲叫道不如歸

攤破浣溪沙

贈舞妓

天與穠華一種奇東風吹動小桃枝臨水願將雙珮解
是何時翠袖舞低明月下紫簫聲斷彩雲飛多少愁
懷無說處皺雙眉

喜遷鶯

觀舞料峭

襟袖褰髻鬢鬆隱耳玉丁東文鴛度影錦谿中新綠蕩
香紅越樣腰肢嬌小一捻柳絲縈裊瞥然披拂鬧花
叢婀娜不禁風

醉落魄

賞宗弟正夫家紫蛺蝶

紅嬌白嫩紫綿顏色標猶勝羅山魏府交相競爭竟重
樓始與斯名稱羅幃不捲東風靜錦纏旖旎晨粧艷
六銖衣薄肌膚映寄語嬌娥莫把闌干凭

踏莎行

觀觀音舞

翠袖低垂湘裙輕旋地衣紅皺弓彎倩曉風搖曳柳絲
青春流蕩漾桃花片嬌若遊龍翩如飛燕彩雲揮霍
華燈炫海波搖月晚潮生大家齊道觀音現

臨江仙

贈余浩

秋水芙蓉江上飲憐渠無限風流紅牙低按小梁州澹
雲拖急雨依約見江樓最是承蓮人似玉相逢並著
蓮舟唱歌歸去水悠悠清砧孤館夜明月太湖秋

蝶戀花

贈歌妓沈春魁

雨霽風憇春未透卯酒微醒頻把花枝勗倦倚粧臺垂
素手柳條妬殺腰肢瘦 一曲嬌歌人靜後圓轉清和
鶯囀花時候嫋嫋香風傳翠袖彩雲驚墮仙裙縷

青玉案

武夷

武夷春色年年早花滿洞天清曉玉女峯頭雲縹緲幔
亭張列羣仙來下環珮知多少 天生九曲清溪遶幾
處流來棹歌好音韻悠揚風嫋嫋舟橫絕壑巖留仙掌
知是何人巧

風入松

會稽

會稽山水盡知名人在鏡中行彩雲暖護雲門寺東風
過吹散還生賀監湖頭草綠謝公宿處猿鳴 采蓮越
女照人明花下只聞聲剡溪流水依然在何人再雪夜
尋盟許我他年來否月明何處吹笙

滿江紅

贈歌者

畫舸浮空蚤移入錦雲鄉裏羨年少點翠勻紅妬花爭
美葉底鴛鴦初不見歌聲漸近纔驚起向晚來猶自愛
新粧臨秋水 闌干曲頻徙倚長袖舉朱唇啟覷舞嬌

歌艷不勝羅綺逗雨驚鴻飛不定
嚙春黃鳥嬌無比最苦是一霎
便分離人千里

孤鸞

賞牡丹

天然佳麗有傾國姿容絕倫嬌媚萬紫千紅盡在下風
迴避君家去年賞勝翠帷低粉勻朱膩蝶使蜂媒似織
總爲餘香至喜今年重見舊風味想尚怯春寒開也
還閉無限穠華最是露珠凝綴只疑太真浴罷把霓裳
羽衣新試軟玉香肌紅透倚東風酣睡

金菊對芙蓉

雁蕩

雁蕩名山蓉村勝境天教粧點東甌有東西天柱大小
龍湫下臨滄海如無地疑大水晝夜常浮筆峯長卓石
旂猶展萬古千秋何日拂袖南遊任窮探極覽未肯
回頭直除非跨鶴東訪瀛洲海波清淺揚塵起等閒見
石屋添籌此時方始歸來儘拚敝了貂裘

玉蝴蝶

贈歌妓解愁兒

天與多嬌好似春初楊柳雨洗風揉披拂開花溪處綠
怨紅羞遠山橫修眉顰翠江水淨嬌眼凝秋儘風流新

翻料峭斜抱箜篌 休論石城佳麗盧家女子往事悠
悠倩將愁解多應解後轉添愁向空江肯捐珠珮思遠
道欲采芳洲倚危樓雲中江樹天際歸舟

百字令

劉邦彥招飲竹東館賞桂花

竹東莊上記當年春盡歸舟曾歇莫雨和風催客去猛
地作時還輟小館茶香行厨酒盡執手難爲別歸家南
望寸腸幾度千結 誰道買棹重遊主人情重罇俎依
前設桂樹團香纖月露漸近中秋時節試問姮娥今年
才子誰把高枝折夜浚無語霏霏滿地金屑

贈妓

有序
名玉蘭
妓

玉蘭奇花也予嘗於浙藩之紫薇樓前見之或者
名之豈將取標韻耶而賦咏者皆岐而爲二表而
證之

紫薇樓下記持觴醉把名花相酌愛爾玉蘭名字好况
乃色香幽媚娟淨無瑕清芬離俗臨去猶凝睇時移事
換夢中頻見佳麗 誰道買笑吳門美人攜手儼與花
相似氣味風標無兩樣疑是花神遊戲嬌囀歌喉明珠
一串散落金盤脆曲終凝望碧雲猶在天際

木蘭花慢

漁隱

年來多水旱苦耕稼久無收且覓取綸竿尋將釣線走上漁舟滿前山青水綠似生綃畫采漾中流風起停槎古渡月明鼓柁滄洲桐江千古水悠悠何處覓羊裘但釣得魚來沽將酒去痛飲爲謀醉來幕天席地把簑衣蓋了臥船頭要識其中樂趣除非請問沙鷗

水龍吟

錢塘

錢塘自古繁華憶去年一春遊徧山明水麗花嬌柳娜流鶯百轉滿路笙歌幾船簫鼓往來遊宴正晚來堪賞

酒闌人散有明月相留戀別後事多更變悵重遊可憐無便人面已非桃花依舊劉郎不見光景星飛風流雲散悶懷誰遣歎人生不向少年行樂老來空羨

解連環

送別

銷魂持候玉落花成陣可人分手縱臨別重訂佳期恐軟語無憑盛歡難又雨外春山會人意與眉交皺望行舟漸隱恨殺當年手栽楊柳別離事人生常有底何須爲著成個消瘦但若是下情長便海角天涯等是相守潮水西流肯寄我鯉魚雙否倘明歲來遊燈市爲儂

沽酒

賀新郎

天台

聞道天台路洞門
溪瑤草長青桃花無數
仙子雲鬟低欲墮
倚石迷花凝竚憶
劉阮當年曾遇霧
帳雲房沒幾許
夢魂中不管流年度
緣分淺又歸去
於今路斷無尋處
惟舊時華頂依然霞
城如故古寺石橋風
雨響瀉下半年瀑布
有頭白老僧常住
世上名山能有幾
強登臨莫待青春暮
婚嫁畢聽分付

蘭陵王

與張子靜李貞伯朱岐鳳汝其通賞芍藥

曲地北紅葉盈盈半
拆傷春重情惹思牽
困倚東風倦無力
無言自脉脉恨殺春
歸似客斜陽裏勾蝶
引蜂應悵東君送行
色維揚舊踪跡有圍
帶欺黃盤盃妬白傾
城尋賞馳油壁嗟物
與時忤世隨人換而
今名勝久寂寂受多
少悽惻堪惜易狼籍
且露飲花前醉臥花
側夜深花露沾衣濕
便日下登對省中輪
直當階翻處料此會
須記憶

瑞龍吟

水月觀賞牡丹

沾酒

賀新郎

天台

聞道天台路洞門深瑤草長青桃花無數仙子雲鬟低
欲墮倚石迷花凝竚憶劉阮當年曾遇霧帳雲房深幾
許夢魂中不管流年度緣分淺又歸去於今路斷無
尋處惟舊時華頂依然霞城如故古寺石橋風雨響瀉
下半年瀑布有頭白老僧常住世上名山能有幾強登
臨莫待青春暮婚嫁畢聽分付

蘭陵王

與張子靜李貞伯朱岐鳳汝其通賞芍藥

曲地北紅葉盈盈半拆傷春重情惹思牽困倚東風倦
無力無言自脉脉恨殺春歸似客斜陽裏勾蝶引蜂應
悵東君送行色維揚舊踪跡有圍帶欺黃盤盃妬白
傾城尋賞馳油壁嗟物與時忤世隨人換而今名勝久
寂寂受多少悽惻堪惜易狼籍且露飲花前醉臥花
側夜深花露沾衣濕便日下登對省中輪直當階翻處
料此會須記憶

瑞龍吟

水月觀賞牡丹

西木集卷四
春消息開遍紅紫芳菲粉香狼籍慳留傾國名花那般
富貴真成第一 白矜惜如箇美人初覺染香勻色清
晨卯酒微酣怨紅啼素重重暈積 天寶君王妃子妬
妍爭寵沉香亭北歡賞未終漁陽鼙鼓聲急清平古調
惟有天仙筆誰知道張油命酒按花評格也許吾儕得
晚來小雨催花坼轉覺嬌無力風露下偏生橫斜欹仄
倩人扶起載傾餘瀝

哨遍

端午日飲都立敬於豫章堂

梅雨弄晴梧葉生陰浚苑榴花吐見釵頭齊綴赤靈符

恰又經一番重午君聽取斜陽竹西歌吹分明不是揚
州路信彼此無殊古今不異逢場自足歡娛但未能免
俗與人俱也試舉芳樽泛菖蒲艾虎懸門綵絲纏臂尚
傳荆楚 吁滿地江湖龍舟競渡曉喧諱相習成故事
騷魂此日知夫覩水馬爭馳錦標平插浪華捲雪轟旗
鼓幸得雋歸來拈華弄酒向人誇笑矜舞有誰解屈子
懷沙故睠宗國難忘心獨苦想曾懷瓊粳椒糈浮遊蟬
脫應笑世俗沉菰黍是非非是都休評論聊且長歌弔
古闖風縣圃渺蒼梧望夫君弭節何所

十一世孫積鈞校字

西村集卷第四

